



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 11. Concilium Romanum.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. *confiteri. Licet uspiam aliquando quibusdam aliter responderimus; quæ quidem non oportet, sicut nec ea, quæ tum aliter acta fuerunt, nunc inquirere & refricare. Id enim tumultus causam præbet, nec ullum emolumentum affert.*

§. XI.

Concilium Romanum.

to. 8. p. 103. **R**omæ Eugenius Papa celebravit Concilium, cujus Decretum decima quinta Novembris, anno Imperatoris Ludovici decimo tertio, Lotharii decimo, Indictione quarta, nempe anno octingentesimo vigesimo sexto datum est. Adfuerunt cum Papa Episcopi sexaginta duo, omnes ex Italia & illis Provinciis, quæ Francis parebant. Primus erat Petronax Ravennas. Adfuerunt etiam Presbyteri octodecim, Diaconi sex, & complures Clerici. Theodorus Diaconus nomine Pontificis legit brevem sermonem, qui toti Constitutioni præfatione esset, eumque ex Concilio Gregorii secundi mutuaverat. Unde conjecturæ locus est, Romanos illa ætate nec orationem in promptu proferre, nec de sua penu quidquam depromere potuisse. Tum Canones triginta octo editi, plerique ad emendationem Clericorum spectantes. Presbyteros officium suum ignorantes Episcopus admoneat, & suspendat, ut tempus habeant, quo erudiantur, & si hæc

Snp. 1. XLI.

I. 39.

G. 4.

si hæc indulgentia nihil profecerit, etiam deponantur. Metropolita eandem industriam ad corrigendos suos Suffraganeos adhibeat. Magnam illorum temporum ignorantiam fuisse in Italia necesse est; hinc etiam in illo Concilio præcipitur, ut scholæ instituantur in Ecclesiis Cathedralibus, in Parochiis, aliisque locis, ubi necessaria viderentur. Prope Ecclesias Cathedrales Claustra extruantur, in quibus Clerici vitam communem ducant, habeantque Præpositos idoneos & Episcopo subjectos. Hæc vi Decretorum Concilii Aquisgranensis circa Canonicos acta videntur. Episcopi Parochos ignotos non immittant, non explorato incolarum consensu. Nec Presbyteros ordinent nisi eis certos Titulos & Ecclesias destinent, ne in domibus Sæcularium manere cogantur.

Presbyteri usuras non accipiant, non venentur, non occupentur labore rurali, & si domo egrediantur, ubique veste Sacerdotali incedant, ut ad opera Ecclesiastica semper parati sint, & Sæcularium hominum insolentiæ non pateant. Ver-
 teres boni non vetabant, Presbyteros agriculturæ operam dare, ut vidimus in S. Felice Nolano, quem S. Paulinus tantopere deprædicavit. Forsitan ob Barbarorum dominatum hic labor in opinione hominum jam tunc viluerat. Episco-
 pi

Sæculum IX.
 A. C. 826.

c. 34.

Sup. add. an.
 2. to. Lib.
 VIII. n. 51.

c. 19.

Sæculum IX. pi & Clerici habeant Procuratores, qui
 A. C. 826. suas & Ecclesiarum suarum causas in ju-
 dicio agant, ne ipsi a functionibus Eccle-
 siasticis abstrahantur. Verum in crimi-
 nalibus per se ipsos causam dicant. Pres-
 byteri non teneantur in iudicio testes
 esse, nisi sint testes necessarii. Episcopi
 bona Parochiarum aut aliorum piorum
 locorum in usus proprios non conver-
 tant, nec exigant quidquam ultra quam
 antiqua consuetudine accipere licuit.
 Presbyteri nullius oblationes recipere
 recusent. Id forsân privatæ vindictæ
 causa non nunquam fiebat.

Fundatores possint constituere Pres-
 byteros in illis Monasteriis vel Oratoriis,
 quæ fundaverint, accedente Episcopi
 consensu, cui illi Presbyteri subsint.
 Abbates sint Presbyteri, ut maiore aucto-
 ritate præsent. Episcopi corripiant Mo-
 nachos, qui vestem quidem gerunt, sed
 observandam Regulam compellant. At
 e Monasterio dimittatur Monachus, qui
 vi adhibita immissus fuit, nisi id merito
 suo & ob commissum crimen ipsi obtige-
 rit. Quædam personæ, maxime autem
 femina in balneo corpus lavando, cantio-
 nes obscenas recitando & saltitando dies
 Festos consumebant; præcipitur Presby-
 teris, ut hæc scandala tollant.